

植

物

名

實

圖

攷

植物名實圖考長編卷之十四

固始吳其濬著

蒙自陸應穀校刊

毒草

大黃

商陸

狼毒

牙子

藜蘆

附子

附楊天惠彰明附子記

烏頭

天雄

側子

白附子

甘遂

大戟

澤漆

葇蓉

常山

蜀漆

雲實

藜蘆

天南星

虎掌

由跋

半夏

蚤休

鬼白

射干

鳶尾

羊躑躅

堇花

蕘花

芥草

茵芋

石龍芮

牛扁

鉤吻

斷腸草

蓖麻

格注草

毛茛

博落迴

芍藥

續隨子

蕁麻

醉魚草

海芋

玉簪

鳳仙花

曼陀羅花

石蒜

杜鵑

大黃

本草經大黃味苦寒主下瘀血血閉寒熱破癥瘕積聚留飲宿食蕩滌腸胃推陳致新通利水穀調中化食安和五藏

別錄將軍大寒無毒主平胃下氣除痰實腸間結熱心腹脹滿  
女子寒血閉脹小腹痛諸老血留結一名黃良生河西山谷及  
隴西二月八月採根火乾陶隱居云今採益州北部汶山及西  
山者雖非河西隴西好者猶作紫地錦色味甚苦澁色至濃黑  
西川陰乾者勝北部日乾亦有火乾者皮小焦而耐蛀堪久此  
藥至勁利麤者便不中服最爲俗方所專道家時用以去痰疾

非養性所須也將軍之號取其駿快矣

唐本草註大黃性濕潤而易壞蛀火乾乃佳二月八月日不烈  
恐不時燥卽不堪矣葉子莖並似羊蹄但匏長而厚其根細者  
亦似宿羊蹄大者乃如椀長二尺作時燒石使熱橫寸截著石  
上燻之一日微燥乃繩穿眼之至乾爲佳幽并已北漸細氣力  
不如蜀中者今出宕州涼州西羌蜀地皆有其莖味酸堪生啖  
亦以解熱多食不利陶稱蜀地者不及隴西誤矣


圖經大黃生河西山谷及隴西今蜀川河東陝西州郡皆有之  
以蜀川錦紋者佳其次秦隴來者謂之土番大黃正月內生青

葉似蓖麻大者如扇根如芋大者如椀長一二尺傍生細根如牛蒡小者亦如芋四月開黃花亦有青紅似蕎麥花者莖青紫色形如竹二月八月採根去黑皮火乾江淮出者曰土大黃二月開花結細實又鼎州出一種羊蹄大黃療疥癢甚效初生苗葉如羊蹄累年長大卽葉似商陸而狹尖四月內於抽條上出穗五七莖相合花葉同色結實如蕎麥而輕小五月熟卽黃色亦呼爲金蕎麥三月採苗五月採實並陰乾九月採根破之亦有錦紋日乾之亦呼爲土大黃凡收大黃之法蘇恭云作時燒石使熱橫寸截著石上燂之一日微燥乃繩穿眼之至乾今土



蕃大黃往往作橫片曾經火燻蜀大黃乃作緊片如牛舌形謂之牛舌大黃二者用之皆等本經稱大黃推陳致新其效最神故古方下積滯多用之張仲景治傷寒用處尤多古人用毒藥攻病必隨人之虛實而處置非一切而用也姚僧坦初仕梁武帝因發熱欲服大黃僧坦曰大黃乃是快藥至尊年高不可輕用帝弗從幾至委頓元帝常有心腹疾諸醫咸謂宜用平藥可漸宣通僧坦曰脈洪而實此有宿妨非用大黃無差理帝從而遂愈以此言之今醫用一毒藥而攻衆病其偶中病便謂此方之神奇其有差誤乃不言用藥之失如此者衆矣可不戒哉

益部方物記葉大莖赤根若巨皿治疾則多方家所詔右人黃  
蜀大山中多有之尤爲東方所貴苗根皆長盈二尺本草言之  
尤詳藥市所見大者治之爲枕紫地錦文唐人以爲產蜀者性  
和厚沈深可以治病形似牛舌緊緻者善蜀所生藥尙多如川  
之巴豆峽之椒梓之厚樸尙數十輩



商陸

本草經商陸味辛主水腫疝瘕痺戩除癰腫殺鬼精物一名葛根一名夜呼

爾雅遂蕩馬尾註廣雅曰馬尾蒿陸本草云別名蕩今關西亦呼爲蕩江東爲當陸

別錄酸有毒療胷中邪氣水腫痿痺腹滿洪直疏五藏散水氣如人形者有神生成陽山谷陶隱居云近道處處有方家不甚用惟療水腫切生根雜生鯉魚煮作湯道家乃散用及煎釀皆能去尸蟲見鬼神其實亦入神藥花名葛花尤良

唐本草注云此有赤白二種白者入藥用赤者見鬼神甚有毒但貼腫外用若服之傷人乃至痢血不已而死也

蜀本草圖經云葉大如牛舌而厚脆有赤花者根赤白花者根白今所在有之二月八月採根日乾

藥性論當陸使忌犬肉味甘有大毒能瀉十種水病喉痺不通薄切醋炒喉腫處外傳之差

圖經曰商陸俗名章柳根生咸陽山谷今處處有之多生於人家園圃中春生苗高三四尺葉青如牛舌而長莖青赤至柔脆夏秋開紅紫花作朵根如蘆菔而長八月九月內採根暴乾其

用歸表古方術家多用之亦可單服五月五日採根竹筐盛掛屋東北角陰乾百日擣篩井華水調服云神仙所祕法喉中卒被毒氣攻痛者切根炙令熱隔布熨之冷輒易立愈其花主人心悒塞多忘喜臥取花陰乾百日擣末日暮水服方寸七卧思念所欲事卽於眠中自覺爾雅謂之遠蕩廣雅謂之馬尾易謂之莧陸皆謂此商陸也然有赤白二種花赤者根赤花白者根白赤者不入藥服食用白者又一種名赤葛苗葉絕相類不可用服之傷筋消腎須細辨之

雷斅炮炙論凡使勿用赤葛緣相似其赤葛花莖有消筋腎之

本草綱目卷之二十一  
三  
毒故勿餌章陸花白年多後仙人採之用作脯可下酒也每修  
事先以銅刀刮去上皮了薄切以東流水浸兩宿然後漉出架  
飴蒸以豆葉一重了與章陸一重如斯蒸從午至亥出仍去豆  
葉暴乾了細剉用若無豆葉只用豆代之

救荒本草章柳根處處有之苗高三四尺葍龔似雞冠花葍微  
有線楞色微紫赤葉青如牛舌微闊而長取白色根切作片子  
煤熟換水浸洗淨淡食得大蒜良

邱光庭兼明書夬九五曰莧陸夬夬中行无咎王弼云莧陸草  
之柔脆者子夏傳云莧陸木根草莖剛下柔上馬鄭王肅皆云

莧陸一名章陸明曰如諸儒之意皆以莧陸爲一物直爲上六之象今以莧陸爲二物莧者白莧也陸者商陸也莧象上六陸象九三上六象陰莧亦全柔也九三以陽應陰陸亦剛下柔上也且夬是五陽共決一陰之卦九五以陽處陽旣剛且尊而爲決主親決上六而九三應之亦將被決故曰莧陸夬夬重言之者決莧決陸也由此而論莧陸爲二物亦以明矣按本草商陸一名莧根一名夜呼一名章陸一名烏椹一名六甲父母殊無莧之號蓋諸儒之誤也或曰九三君子夬夬其義如何答曰九三以陽應陰有違於衆若君子能決斷已意與衆陽共決上六



則免悔故亦重言夬夬也

常熟縣志宋僧慈悅結廬白龍祠側向得水腫疾一日有客自  
云姓回見慈公甚憐其病手爪劃其股腹水潰如湧而腫消又  
畀藥一丸教用商陸根煮湯服之且語悅壽可八十五悅不悉  
何許人後兩月有客云自普陀來遺一畫而去展視之乃呂真  
人像始悟客姓回卽呂也

說文解字注萑艸也也字各本無今補按說文凡艸名篆文之  
下皆複舉篆文某字曰某艸也如葵篆下必云葵菜也蓋篆下  
必云蓋艸也篆文者其形說解者其義以義釋形故說文爲小